


Maloba na Bomoi



Jambi masumu makofuta mbongo, mbongo yango bobele kufa; nde Njambe akopesa likabo mpamba, likabo na ye bomoi na seko kati na Yesu Klisto, Nkolo na biso.

(Baloma 6:23)

Ekokaki na ye (Yesu) koleka na Samalia. Boye akomi na mboka na Samalia, nkombo na yango, Sukala, penepene na mabele mapesaki Yakobo epai na Yosefe mwana na ye. Lijiba na Yakobo ejalaki wana. Yesu alembi na mobembo, afandi pembeni na lijiba lokola ejalaki ye. Ejalaki soko ngonga motoba. Mwasi moko na Samalia ayei kotoka mai. Yesu alobi na ye ete, Pesa ngai komela. Mwasi na Samalia alobi na ye ete, Mpo na nini yo Moyuda ojali kolomba komela epai na ngai mwasi na Samalia? Jambi Bayuda mpe Basamalia bakosanganaka te. Yesu ajongisi monoko mpe alobi na ye ete, Soko oyebaki likabo na Njambe mpe ye oyo ajali koloba na yo ete, Pesa ngai komela, mbe yo olombi ye mpe apesi yo mai na bomoi. Alobi na ye ete Yo ojali na etokeli te, Tata, mpe lijiba ejali na bojindo. Ojui mai na bomoi wapi? Yo oleki tata na biso Yakobo oyo apesaki biso lijiba mpe amelaki na yango, ye moko mpe bana na ye mpe bibwele na ye? Yesu ajongisi monoko mpe alobi na ye ete, Moto na moto oyo akomelaka mai oyo, akoyoka mposa na komela lisusu; nde ye oyo akomela mai makopesa ngai epai na ye akoyoka mposa lisusu libela te; kasi mai makopesa ngai ye makojala moto na mai kati na ye kopunjwapunjwa kino bomoi na seko.

(Yoane 4:4-7,9-14)

Solo solo najali koloba na bino ete ye oyo akoyoka liloba na ngai mpe akondima Motindi na ngai, ajali na bomoi na seko mpe akokoma na esambiseli te kasi asili kolongwa na kufa mpe koingela na bomoi.

(Yoane 5:24)

Soko bino bokoumela kati na liloba na ngai, bokojala bayekoli na ngai na solo, mpe bokoyeba solo, mpe solo ekosikola bino.

(Yoane 8:31,32)

Nakobatela malako na Njambe na ngai. Simba ngai pelamoko na liloba na yo ete naumela, tika mpe ete nayoka nsoni kati na elikia na ngai te.

(Njembo 119:115,116)

Mpe lokola Mose anetolaki nyoka kati na lisobe, boye ekoki na Mwana na moto konetwa, ete moto na moto oyo akondimaka ye ajala na bomoi na seko.

(Yoane 3:14,15)

Mpe wana esilaki bango kokoma na esika ebiangamaki Mokwa na Moto, babakisaki ye na ekulusu wana, na bango mabe, moko na loboko na mobali, mpe mosusu na loboko na mwasi. Moko na bato mabe baoyo babakisamaki wana atukaki ye ete, Yo Klisto te? Mibikisa yo mpenja, bikisa mpe biso! Nde oyo mosusu apamelaki ye ete, Yo ojali kobanga Njambe te, awa ejali yo na ekweli na motindo moko? Na malamumu mpe, mpo ete biso tojali kojua likamba libongi na yango esalaki biso; nde oyo awa asali likambo moko mabe te. Alobaki mpe ete, Yesu, wana ekokoma yo na bokonji na yo, kanisa ngai. Alobaki na ye ete, Nalobi na yo solo ete, lelo okojala na ngai elongo kati na Paladiso.

(Luka 23:33,39-43)

Klisto akufaki mpo na masumu mbala moko mpo na libela, ye moyengebeni mpo na bakeseni, ete abelemisa biso na Njambe.

(1 Petelo 3:18)

Oyo ejali bomoi na seko ete bayeba yo Njambe moko na solo mpe Motindami na yo, Yesu Klisto.

(Yoane 17:3).

Ejalaki bango kotambola, Yesu akotaki na mboka moke moko. Mwasi moko, nkombo na ye Malata, anyangelaki ye na ndako na ye. Ye mpe ajalaki na ndeko mwasi moko, nkombo na ye Malia, oyo afandaki epai na makolo na Nkolo koyoka maloba na ye. Nde Malata ajalaki kotungisama mpo na mosala mingi, mpe ayaki epai na ye mpe alobaki ete, Nkolo, ejali na miso na yo likambo te ete ndeko na ngai atiki ngai kosala mosala ngai moko? Loba na ye ete aya kosunga ngai. Nkolo ajongisaki monoko na ye ete, Malata, Malata, ojali na motema na likolo mpe ojali kotungisama na ntina na makambo mingi, nde bobele likambo moko esengami. Malia aponi oyo malamumu, mpe ekobotolama na ye te.

(Luka 10:38-42)

Na tango yango, bayekoli bayei epai na Yesu mpe balobi ete, Nani aleki monene kati na Bokonji na Likolo? Abiangi mwana epai na ye, atii ye kati na bango mpe alobi ete, Najali koloba na bino solo ete, Soko bokobongwana mpo na kokoma lokola bana mike te bokoingela na Bokonji na Likolo te. ... Bokeba ete botiola moko na oyo mike te. ... Mpo ete Mwana na moto ayei kobikisa yango ebebi. Bojali kokanisa nini? Soko moto nani ajali na bampate mokama nde moko na yango asili kobungana, akotika ntuku libwa na libwa na ngomba te ete akenda koluka oyo abungani ? ... Bongo ejali mokano na Tata na bino na Likolo te ete moko na oyo mike abungana.

(Matai 18:1-3,10-14)

Ngai najali mobateli malamumu; mobateli malamumu akotika bomoi na ye na mpo na bampate.

Bampate na ngai bakoyokaka mongongo na ngai mpe ngai nayebi bango mpe bakobilaka ngai. Najali kopesa bango bomoi na seko mpe libela bakobeba te.

(Yoane 10:11,27,28)

Nkolo, tokenda epai na nani? Yo ojali na maloba na bomoi na seko.

(Yoane 6:68)

© C.E.R.S. - B.P. 1673 Kananga
République Démocratique Du Congo
Email: 33eme.cers.lit@gmail.com

<http://www.33eme-cers.org/>